



REPUBLIKA E SHQIPERISE
MINISTRIA E FINANCAVE
DREJTORIA E MAKROEKONOMISE

EKONOMIA DHE BUXHETI



ECONOMY AND BUDGET

NENTOR - NOVEMBER
2005

TIRANE

Raporti Mujor

Nentor 2005

Personi i kontaktit: Luiza JANO
Telefon: ++355 4 258437
E-mail: macro.director@minfin.gov.al
www.minfin.gov.al


PERMBAJTJA

1. VECORITE KRYESORE.....	4
2. TIPARE TË TABELAVE SPECIFIKE.....	6
a. IÇK DHE TREGUES TË TJERË.....	8
b. SEKTORI FISKAL*.....	11
c. SEKTORI I JASHEM.....	13
d. SEKTORI MONETAR.....	14
3. TABELAT MBËSHTETËSE	
a. Indeksi i Çmimeve të Konsumit	
b. Kursi i këmbimit	
c. Buxheti i konsoliduar	
d. Shpenzimet institucionale	
e. Shpenzimet sipas funksionit	
f. Investimet	
g. Të ardhurat sipas burimeve	
h. Të ardhurat sipas klasifikimit ekonomik	
i. Financimi i defiçitit	
j. Mjete valutore neto	
k. Krediti i brendshëm	
l. Oferta e parasë	
m. Depozitat sipas burimeve	

*Të dhënat e sektorit fiskal janë të dhëna paraprake
Fiscal sector data are preliminary data.


1. VECORITE KRYESORE :

- ❖ **Indeksi i çmimeve te konsumit** ne muajin Nentor 2005, arriti ne 107.2 perqind, duke shenuar nje rritje mujore prej 0.2 përqind, pas rritjes prej 0.4 dhe 0.9 perqind, perkatesisht ne muajt tetor dhe shtator. Norma vjetore e inflacionit, per muajin Nentor ishte 3.0 perqind, duke qendruar brenda objektivit te Bankese se Shqiperise, prej 2 – 4 perqind.



- ❖ **Kursi mesatar i kembimit** te monedhes vendase me dy monedhat kryesore te huaja, per muajin Nentor 2005, ishte:

- 104.06 leke per dollare
- 122.63 leke per euro




Ne muajin Nentor, monedha vendese, rezultoi me nje mbicimim te lehte kundrejt monedhes europiane, Euros dhe me nje nencmim kundrejt dollarit amerikan. Sjellja e monedhes sone ne tregun vendas eshte reflektimi i sjelljes se dy monedhave ne tregjet

nderkombetare monetare si dhe i nderhyrjeve ne treg nga ana e Bankes se Shqiperise per te ruajtur nje kurs te qendrueshem.

- ❖ Gjatë muajit Gusht 2005, **normat e interesit te depozitave** 12-mujore ne leke, (ne ndryshim nga tendenca e muajve parardhes deri ne qershor), kane pesuar nje rritje ne vlere absolute prej 0.36 perqind krahasuar me muajin Korrik. Megjithese politika monetare e ndjekur nga Banka e Shqipërise nuk ka ndryshuar, normat e interesit per depozitat ne leke, ne tregun primar dhe ate nderbankar jane ndikuar, ne pjesen me te madhe, nga pakesimi dhe mungesa e likuiditeteve.

Rritje te lehte edhe per kete muaj kane pesuar edhe depozitat me afat 6-mujor, te krahasuara me nje muaj me pare (Korrik '05) me 0.18 perqind dhe normat me afat 3-mujor me 0.11 perqind. Rritje te konsiderueshme prej 0.5 perqind kane pesuar normat per depozitat me afat 24-mujor.

Krahasuar me te njejten periudhe te nje viti me pare, renien me te larte vjetore e kane patur normat e interesit te depozitave 12-mujore dhe 6-mujore, respektivisht me rreth 1.85 perqind dhe 1.95 perqind,.




Gjatë muajit gusht interesat e depozitave në valutë janë rritur thuajse në të gjitha afatet. Në rritjen e normave te interesave në valute, kane ndikuar rritja e interesave libor, politika shtrenguese e ndjekur nga Fed-i, si dhe rritja e konkurrences ne tregun valutor.

Shtrengimi i metejshem i politikës monetare nga Fed-i, pritët të ndikojë në rritjen e interesave libor në tregjet ndërkombetare dhe në rritjen e interesave të depozitave dhe te kredive në usd.

❖ Situata buxhetore

Ne fund te muajit Nentor 2005, situata buxhetore, paraqitet si vijon:

1. **Deficiti i pergjithshem** buxhetor arriti ne rreth 16.3 miliarde leke, ose rreth 38.67 perqind e deficitit buxhetor per vitin 2005.
2. **Te ardhurat gjithsej** arriten ne rreth 180.8 miliarde leke ose rreth 87.55 perqind e programit vjetor 2005.
3. **Shpenzimet buxhetore** arriten ne rreth 197.1 miliarde leke, ose rreth 79.26 perqind e totalit te shpenzimeve buxhetore te planifikuara per gjithe vitin 2005.



- ❖
- ❖ **Deficiti i pergjithshem** arriti ne 16,301 milione leke nga 27,036 milione leke te parashikuar per kete periudhe 11-mujore, duke perballuar ne kete menyre kryerjen e shpenzimeve ne kohen e duhur.
 - ❖ **Të ardhurat gjithsej** arritën në rreth 87.55 përqind të parashikimit vjetor. Ato përfshijnë:
 - Mbledhjet e te ardhurave tatimore nga administrata e tatimeve dhe doganave në 90.49 përqind të programimit vjetor;
 - Kontributet për sigurimet shoqërore prej 87.76 përqind;
 - Të ardhurat jo-tatimore 74.01 përqind e buxhetit vjetor; dhe
 - Të ardhurat nga pushteti lokal, 102.28 përqind e planifikimit vjetor

Megjithëse shpenzimet totale ishin rreth 79.26 përqind e buxhetit vjetor, **shpenzimet korrente** arriten ne rreth 168,476 milione lekë ose rreth 87.36 përqind e programimit vjetor, pjesërisht si rezultat i shpenzimeve per sigurimet sociale me rreth 89.33 përqind e buxhetit vjetor, i shpenzimeve të larta operative dhe te mirembajtjes me rreth 92.76 perqind e buxhetit vjetor, subvencioneve etj.

❖ Bilanci i pagesave

Bilanci i pagesave per muajin Qershor 2005, rezultoi me nje deficit te pergjithshem prej 4.7 milion dollare. Kjo ishte rezultat i nje:

- deficioni te Llogarise Korente, prej rreth 16.4 milion dollare;
- suficioni te Llogarise se Kapitalit, prej rreth 10.9 milion dollare;
- suficioni te Llogarise Financiare, prej rreth 62.1 milion dollare;
- bilanci negativ ne “Gabime dhe Harresa neto” prej rreth 61.2 milion dollare.

Komponentet kyç te deficionit te **Llogarise Korente** prej 16.4 milion \$ ishin nje:


- bilanc tregtar negativ prej 151.5 milion dollare;
- suficioni prej 21.3 milion dollare ne bilancin e sherbimeve;
- suficioni prej 12 milion dollare ne bilancin e te ardhurave;
- suficioni prej 101.8 milion dollare ne transfertat/ te ardhurat nga emigrantet.

Në baze kumulative, bilanci i pagesave te 3-mujorit te dyte 2005, rezultoi me suficion të përgjithshëm, prej 2.1 milionë dollare.


Komponentët kyç ishin:

- deficioni prej 126.1 milionë dollare, në llogarinë korrente,
- suficioni prej 18.1 milionë dollare ne llogarine kapitale,
- suficioni prej 152.4 milionë dollare në llogarinë financiare,
- bilanc negativ i gabimeve dhe harresave neto prej 42.3 milionë dollare.

❖ **Oferta totale e parase**, e matur nga M3 arriti në 559.6 miliardë lekë në fund të muajit gusht, duke shenuar një rritje prje 15 perqind krahasuar me te njejten periudhe te nje viti me pare.



Kjo rritje vjetore, erdhi si pasojë e rritjes së **depozitave pa afat** në lekë me rreth 139 përqind, depozitave në valutë me rreth 31 përqind, uljes së depozitave me afat në lekë me rreth -3 përqind dhe rritjes të parave jashtë sistemit me rreth 9 përqind.



Ndikimin kryesor në rritjen e ofertes monetare gjatë muajit gusht e kanë patur rritja e depozitave në valutë dhe rritja e depozitave pa afat në lekë, të cilat vetëm gjatë këtij muaji u rritën përkatesisht me rreth 13.8 dhe 13.9 miliardë lekë. Depozitat me afat në lekë pësuan një ulje të theksuar mujore prej 15.5 miliard lekë.

2. TIPARE TE TABELAVE SPECIFIKE:

a. Indeksi i Çmimeve te Konsumit dhe tregues të tjerë:

Indeksi i Çmimeve te Konsumit

Indeksi i Çmimeve te Konsumit, per muajin Nentor pesoi nje rritje prej 0.2 perqind, krahasuar me muajt Tetor dhe Shtator 2005, ku ky indeks ishte perkatesisht 0.4 dhe 0.9 perqind. Ndryshimet respektive ne te njejtet muaj te nje viti me pare ishin 0.5 perqind, 0.2 perqind dhe 0.1 perqind.

Kjo rritje prej 0.2 perqind e indeksit te çmimeve te konsumit per muajin Nentor erdhi si rezultat i rritjes se indeksit te cmimeve te grupit “Sherbimi arsimor” me 4.2 perqind, ardhur kryesisht nga rritja e tarifave te pageses per kurset e gjuheve te huaja prej 5.8 perqind.

Rritje per kete muaj pesoi edhe indeksi i cmimeve te grupit “Veshje dhe kepuce” me 1.0 perqind. Brenda ketij grupi rritjen me te madhe e pesuan cmimet e nengrupit “veshje per burra” me 1.8 perqind. Rritje te konsiderueshme pesuan edhe nengrupet “kepuce per burra” dhe “kepuce per femije” me 0.9 perqind. Si shkak per keto rritje te ketij grupi eshte edhe afrimi i sezonit dimeror, duke rritur ne kete menyre edhe kerkesen per keto produkte gjate kesaj periudhe.

Vazhdon te pesoje rritje edhe per kete muaj indeksi i cmimeve per grupin “Qera, uje lende djegese dhe energji”, me 1.0 perqind. Vlen te theksohet rritja e cmimit te lendes djegese gaz me 9.5 perqind dhe drureve te zjarrit me 4.5 perqind, si burime alternativ te energjise elektrike perdorur nga konsumatorët. Gjithashtu mund te permendim edhe rritjen e qerave te banesave me 1.2 perqind.

Rritje rezultoi edhe ne grupin “Shendet” me 0.8 perqind, ku mund te permendim rritje ne nengrupet “Sherbime mjeksore, paramjeksore dhe dentale” me 1.7 perqind dhe “Sherbime spitalore” me 0.8 perqind.

Ndryshe nga 3 muajt e fundit, ne muajin nentor, indeksi i cmimeve per grupin “Ushqime dhe pije joalkolike” pesoi nje ulje prej 0.4 perqind. Kjo ulje ishte rezultat i uljes se cmimit per nengrupet “fruta” me 2.4 perqind, “zarzavate perfshire patatet” me 1.1 perqind, dhe “kafe, caj dhe kakao” me 0.4 perqind. Keto ulje kane ardhur si reflektim i drejtperdrejte i rritjes se ofertes ne tregun e brendshem te ketyre produkteve, si nga rritja e volumit te importeve ashtu edhe nga dalja ne treg e disa prodhimeve vendase sezonale

Norma vjetore e inflacionit ne muajin Nentor arriti ne 3.0 perqind duke qendruar brenda objektivit te Bankes se Shqiperise.

Ndryshimet vjetore te indeksit te çmimeve te konsumit, ne perqindje, per vitet 2004 dhe 2005 paraqiten ne tabelen e meposhtme :

	Jan	Shku	Mars	Prill	Maj	Qer	Korr	Gusht	Shta	Tet	Nen	Dhj.
2005	3.3	1.8	1.6	1.3	2.0	2.9	1.8	2.3	3.1	3.3	3.0	
2004	3.3	4.4	4.0	3.2	2.6	2.9	3.1	2.7	2.0	2.0	2.2	2.2

Kursi mesatar i këmbimit

Kursi mesatar i kembimit te lekut me dollarin amerikan, edhe per kete muaj shenoi nje rritje prej 1.8 perqind kundrejt muajit Tetor 2005. Ne fund te muajit Nentor, dollari amerikan arriti nivelin 104.26 leke/dollare.


Kursi mesatar i kembimit te dollarit ne muajin Nentor arriti ne 104.06 leke/dollare.

Kursi mesatar i kembimit te lekut me Euron ne muajin Nentor, arriti ne 122.63 Leke/Euro, duke shenuar nje renie te lehte prej 0.3 perqind krahasuar me nje muaj me pare. Ne fund te muajit Nentor Euro u kembye me 122.79 leke.

Gjate ketij muaji u konstatua nje mbicmim i lehte i lekut kundrejt Euros dhe nencmim kundrejt Dollarit amerikan.

Ne krahasim me muajin Nentor te vitit te kaluar rezulton se monedha shqiptare eshte zhvleresuar ndaj dollarit amerikan ne masen 5.9 perqind dhe eshte vleresuar kundrejt monedhes europiane, Euro me 3.7 perqind.


Ndryshimet ditore te kursit te kembimit Nentor 2005



Vleresimi i monedhes shqiptare Lekut, kundrejt monedhes europiane Euro dhe zhvleresimi kundrejt monedhes amerikane, ne rradhe te pare eshte i lidhur me ecurine e tyre ne tregjet monetare nderkombetare, duke reflektuar sjelljen e tyre ne tregun e brendshem monetar. Kursi i kembimit te euros me dollarin amerikan pesoi nje renie mesatare duke arritur ne rreth 1.179 dollare/euro.

Ndersa persa i perket faktoreve te brendshem ne ecurine e monedhes vendase gjate kesaj periudhe mund te permendim: flukset dalese te valutes se huaj, uljen efektit te faktoreve te turizmit dhe prodhimeve buqesore vendase si dhe politiken e ndjekur nga Banka e Shqiperise per uljen e interesave te bonove te thesarit.

Interesi i huave 12-mujore edhe gjate muajit gusht pesoi nje rritje prej 1.02 perqind, duke arritur ne 13.02 perqind nga 12.00 perqind qe ishte ne muajin korrik. Nje rritje te konsiderueshme per kete muaj pesoi edhe norma per interesin e huave 6-mujore me 1.19 perqind, krahasuar me nje muaj me pare. Interesi i huave 6-mujore per muajin gusht arriti ne 14.49 perqind.



Normat e interesit te Bonove te Thesarit gjate muajit gusht 2005, per bonot me maturim 12 mujor, 6 mujor dhe 3 mujor, ishin perkatesisht, 8.41 perqind, 7.94 perqind dhe 5.73 perqind. Ashtu si edhe ne muajin e kaluar, te gjitha normat e interesit te bonove te thesarti pesuan rritje. Mungesa e likuiditeteve, ka bërë që oferta e bankave për blerjen e bonove të thesarit të jetë e kufizuar, në disa raste edhe duke mos plotësuar shumën e emetuar. Konkurrenca në ankande është ulur, duke ushtruar presion për rritje të yield-it.

Interesat mesatare të ponderuara për kredite e dhena në leke gjate muajit gusht, kane pesuar rritje per afatet nen nje vit dhe jane ulur per kredite mbi nje vit. Ato jane ndikuar nga prirja ne rritje e interesave te depozitave ne leke, nga rritja e yield-it te bonove te thesarit, si dhe nga ndryshimi i struktures se kredidhënies sipas bankave të caktuara.

Ndryshimi i kahut të sjelljes së normave të interesit në leke, ka filluar të pasqyrohet dhe në tendencën e zgjerimit të diferencës midis interesave të depozitave në leke dhe në valute.

b. Sektori Fiskal

Buxheti i Konsoliduar

Ne fund të muajit Nentor, janë mbledhur rreth 180,806 milionë leke të ardhura, përkundëjt shpenzimeve të përgjithshme prej 197,107 milionë leke, që përfshijnë 168,476 milionë leke në shpenzime korente dhe 28,631 milionë leke shpenzime kapitale.

Si rrjedhim, deficitin arriti në nivelin e 16.3 miliardë leke.

Mbledhja e të ardhurave deri në fund të muajit Nentor, përbën rreth 87.55% të totalit të të ardhurave buxhetore të parashikuara për vitin 2005, ndërsa shpenzimet përbëjnë 79.26% të buxhetit të planifikuar. Shpenzimet korente janë rreth 87.36% e planifikimit vjetor, ndërsa shpenzimet kapitale janë rreth 56.68 % e këtij planifikimi.

Nga të ardhurat gjithsej, pjesa e të ardhurave të mbledhura nga Drejtoria e Përgjithshme të Tatimeve dhe Doganave është rreth 122,362 milionë leke (ose rreth 90.49 % e të ardhurave vjetore të planifikuara), të ardhurat e mbledhura nga pushteti vendor 10,591 milionë leke (102.28 % e të ardhurave vjetore të planifikuara), kontributet e sigurimeve shoqërore dhe shëndetësore 32,175 milionë leke (87.76 % e të ardhurave vjetore të planifikuara), dhe të ardhurat jo-tatimore në nivelin e 12,845 milionë leke (74.01 % e të ardhurave vjetore të planifikuara).

Nga totali i shpenzimeve korente prej 168,476 milionë leke, 46,462 milionë leke (28 %) është shpenzuar për personelin, 24,009 milionë leke (14 %) për interesat, 20,364 milionë leke (12 %) për shpenzime operative dhe mirëmbajtje, 2,978 milionë leke (2 %) për subvencione, 49,282 milionë leke (29 %) për shpenzimet e sigurimeve shoqërore dhe shëndetësore dhe 25,381 milionë leke (15 %) për shpenzimet e qeverisjes vendore dhe shpenzimet e tjera.

Keto përfqesojnë 84.12 % (shpenzime personeli), 80.39 % (shpenzime për interesat), 92.76 % (shpenzime operative dhe të mirëmbajtjes), 108.9 % (subvencione), 89.33 % (sigurimet sociale), 92.33 % dhe 88.59 % (për shpenzimet e qeverisjes vendore dhe shpenzimet e tjera) përkundëjt buxhetit të planifikuar vjetor.

Shpenzimet kapitale arrijnë në rreth 28,631 milionë leke, nga të cilat 68 % financim i brendshëm, dhe 32 % financim i huaj.

Shpenzimet kapitale me financim të brendshëm, llogariten për këtë periudhë në rreth 69.3% të buxhetit të parashikuar vjetor, ndërsa financimi i huaj është vetëm 41.03 % të këtij parashikimi.

Deficiti prej 16,301 milione lekë është rreth 38.67 % e deficitit buxhetor për 2005.

Të ardhurat sipas Burimeve / Klasifikimit Ekonomik

Të ardhurat gjithsej arriten në fund të muajit Nëntor 2005 në rreth 180,806 milione lekë, nga të cilat të ardhurat tatimore në rreth 165,128 milione, grantet 2,832 milione dhe të ardhurat jo-tatimore në rreth 12,845 milione;

Nga totali i të ardhurave tatimore, rreth 122,362 milione lekë janë mbledhur nga administrata e doganave dhe e tatimeve, 10,591 milione lekë të ardhura nga pushteti lokal dhe 32,175 milione lekë nga kontributet e sigurimeve shoqërore dhe shëndetësore;

Nga të ardhurat totale të mbledhura deri në fund të nëntorit rezulton :

□ TVSH	58,401 milionë lekë
□ Tatimi mbi fitimin	17,067 milionë lekë
□ Taksa doganore	12,180 milionë lekë
□ Taksat nacionale	8,517 milionë lekë
□ Akcizat	16,937 milionë lekë
□ Transferim fitimi nga Banka e Shqipërisë	4,371 milione lekë;

Financimi i deficitit

Deficiti prej 16.3 miliardë lekë, në fund të muajit Nëntor, u financua në masën 74 përqind me financim të brendshëm dhe 26 përqind me financim të huaj. Emetimi i bonove të thesarit ishin mjeti kryesor i financimit të brendshëm, ndërsa për financimin e huaj ishin huatë afatgjata.


c. Sektori i Jashtëm

Bilanci i Pagesave


Tiparet kryesore të bilancit të pagesave për periudhën Janar - Qershor 2005 ishin:

Nje sufiçit i pergjithshem ne bilancin e pergjithshem, prej 14.8 milion dollare, rezultat ky i nje:

- ❑ defiqiti te Llogarise Korente, prej 184.7 milion dollare ;
- ❑ suficit te Llogarise Kapitale, prej 64.8 milion dollare ;
- ❑ suficit te Llogarise Financiare, prej 188.2 milion dollare ;
- ❑ bilanci negativ ne Gabime dhe Harresa neto“ prej 53.6 milion dollare .



Komponentet kyc te defiqitit te Llogarise Korente prej 184.7 milion dollare ishin nje:



- ❑ bilanc tregtar negativ prej 820.2 milion dollare ;
- ❑ deficit prej 55 milion dollare ne bilancin e sherbimeve ;
- ❑ suficit prej 85.3 milion dollare ne bilancin e te ardhurave ;
- ❑ suficit prej 605.4 milion dollare ne levizjet e transfertave dhe dergesave.

Zërat kryesorë në flukset pozitive në llogarinë kapitale dhe llogarine financiare përfshijnë:


- flukset pozitive të investimeve direkte prej 125.3 milionë dollare,
- flukset negative të investime portofoli prej 63 milionë dollare
- flukset pozitive të kapitaleve të tjera prej 119.7 milionë dollare.

d. Sektori Monetar

Mjetet Valutore Neto te sistemit bankar

Gjate muajit Gusht 2005, sistemi bankar ka shenuar rritje të mjeteve valutore neto, në rreth 160.8 milione dollare krahasuar me të njëjten periudhë të një viti më parë, duke rezultuar me ritme rritjeje me të ulta në krahasim me periudhat e kaluara.

Ecuria e M.V.N te sistemit



Kjo rritje ka ardhur si pasoje e rritjes së mjeteve valutore neto të bankave të nivelit të dytë me rreth 72.8 milione usd, ndërkohë që mjetet valutore neto të Bankës së Shqipërisë, janë rritur me 88.0 milione dollare.

Në muajin gusht sistemi bankar rezulton me një rritje të konsiderueshme prej 95.2 milionë dollare në mjetet valutore neto, krahasuar me një muaj më parë. Kontributin kryesor në këtë rritje e kanë bankat e nivelit të dytë me një rritje mujore prej 84.8 milion usd. Kjo ecuri e depozitave në valutë, e ndikuar nga flukset hyrese të valutes si dhe nga rënia e normave të interesave në leke, ka krijuar hapësira për rritjen e mjeteve valutore neto të bankave të nivelit të dytë. Gjithashtu, edhe ulja e detyrimeve valutore ka ndikuar në një nivel më të lartë të mjeteve valutore neto për këtë periudhë.

Banka e Shqiperisë, krahasuar me një muaj me pare, ka rritur rezervën valutore neto me 10.6 milione usd, duke arritur në 1,209.4 milion usd. Kjo ka ardhur nga rritja e disbursimeve të kredive të huaja.

Kredia per ekonomine

Teprica e kredise per ekonomine ne fund te muajit gusht 2005 arriti ne 101 miliarde leke. Rritja e teprices së kredise, krahasuar me një vit me pare shenoi vlerën 40.1 miliardë leke, me një rritje prej rreth 66 për qind. Krahasuar me një muaj me pare, kjo shenoi një rritje të lehtë prej 3.3 miliarde leke. Kredia në lekë, krahasuar me muajin korrik, u rrit me 898 milion leke, duke arritur në rreth 23.6 miliarde leke. Kredia në lekë po njeh një rritje relativisht të mirë, duke pasqyruar një angazhim më të madh të bankave drejt dhënies së kredisë në monedhën vendase. Gjatë muajit gusht, ashtu sikurse edhe në muajin e kaluar, rritja e kredisë në lekë mendohet të ketë marrë shtytje nga ecuria pozitive e kredisë për individet, e cila gjatë këtij muaji zuri rreth 32.4 përqind të totalit të kredise.

Nga struktura e teprices së kredise sipas afateve vihet re një rritje e peshës së kredive afatgjata, të cilat arriten në 35.1 përqind, nga 33.8 përqind që ishte një muaj me pare. Teprica e kredise sipas monedhave vazhdon të mbizotërohet nga kredia në valute, duke përbërë rreth 76.6 përqind të totalit të teprices së kredise.

Po vihet re gjithnjë e më shumë një angazhim në rritje i bankave drejt kredise me afat maturimi mbi 1 vit, duke ulur ndjeshëm financimin e ekonomisë me kredi afatshkurtër. Krahasuar me një muaj me pare kredia afatshkurte peshoi një rënie në peshë specifike ndaj totalit në 32.8 përqind nga 34.4 përqind që ishte një muaj me pare.

Një rol të rëndësishëm në rritjen e vëllimit të kredise afatgjate mendohet të ketë luajtur edhe forcimi i marrëdhënieve midis bankave dhe klienteve të tyre, bizneseve dhe individëve. Këtyre të fundit po i kushtohet me shumë vëmendje nga bankat, sikurse konstatohet edhe nga rritja e vazhdueshme e portofolit të kredise për individet.

Forcimi i marrëdhënieve bankë – klientë, po rrit besimin e bankave për të investuar më shumë në aktivitetin kreditues, duke rritur rolin e tyre si ndërmjetës financiarë.


Megjithatë sektori i tregtisë vazhdon të mbetet mbizotëruese me rreth 19 përqind të totalit të përgjithshëm të kredise, gjatë kësaj periudhe të 2005 ajo ka shfaqur tendencë rënës. Mbeshtetje me e madhe me kredi po i kushtohet sektoreve prodhues dhe ndërtimit. Një zhvendosje e tillë pasqyron tendencën e bankave për të ofruar produkte të reja, në përputhje me kërkesat e bizneseve dhe të individëve.

Oferta e Parasë

Oferta e parasë (e matur me M3), për muajin gusht ka shënuar një rritje të konsiderueshme prej 2.6 përqindjeje, krahasuar me një muaj më parë. Kjo ofertë ka shifren rreth 559.6 miliardë lekë në fund të muajit gusht, duke shënuar një rritje prej 10.3 pike përqindjeje kundrejt nivelit të regjistruar në muajin dhjetor 2004. Rritja vjetore e kësaj treguesi ishte 15.4 përqindje, duke pësuar një ulje të kësaj ritmi krahasuar me 18.3 përqindje që ishte gjatë muajit qershor. Ngadalësimi i ritmit të ofertës monetare është reflektuar kryesisht në përbërësin në lekë të saj, kërkesa për të cilin është reduktuar si rezultat i rënies së normave të interesit të depozitave në lekë.

Niveli i parase jashtë bankave është rritur me 2.4 miliardë lekë në krahasim me muajin dhjetor 2004, ose 2.2 miliardë lekë krahasuar me muajin korrik. Rritja vjetore e kësaj treguesi ishte 9 përqindje. Rritja e theksuar e kësaj treguesi gjatë kësaj periudhe është favorizuar kryesisht nga faktore me ndikim të përkohshëm si, rimbursimi i kreditorëve të firmave piramidale, përqendrimi i kërkesës për para të qeverisë në periudhën e zgjedhjeve, dhe rritja e lartë e kredisë për ekonominë në lekë në muajin gusht.


Raportet e parase jashtë bankave



Raporti i parase jashtë bankave ndaj ofertes monetare, në fund të muajit gusht arriti në 25.1 përqindje duke shënuar një rënie të lehtë prej 0.3 përqindjeje në krahasim me muajin korrik. Raporti i parase jashtë bankave me depozitat në muajin gusht arriti shifren prej 33.5 përqindjeje duke pësuar një rënie mujore prej 0.5 përqindjeje.

Depozitat në lekë si përberësi kryesor i ofertes monetare, kanë pësuar një rënie prej 1.6 miliardë lekë në krahasim me një muaj më parë. E kundërta ka ndodhur me depozitat në valute, të cilat në fund të muajit gusht 2005 shënuan një rritje të konsiderueshme prej 10.1 përqindjeje në krahasim me muajin korrik. Norma vjetore e rritjes së tyre në fund të muajit gusht arriti në 31 përqindje nga 17 përqindjeje që ishte në fund të muajit dhjetor, dhe 26 përqindjeje që ishte një muaj më parë.

Raporti Depozita/M3



Rritja e depozitave në valutë gjatë periudhës korrik – gusht është mbështetur kryesisht në rritjen e lartë të depozitave me afat, të cilat kanë përbërë rreth 71 për qind të rritjes së depozitave totale në valutë.


Ritmi i rritjes së ofertës monetare në lekë, ka qenë në rritje, duke reflektuar rritjen e kërkesës për para të qeverisë dhe të ekonomisë, në muajin gusht.

Depozitat sipas Burimeve

Gjate muajit gusht 2005:

- Sektori i individeve, zuri nivelin me te larte te depozitave pa afat ne leke me rreth 61 perqind, ndjekur nga sektori privat, me rreth 25 perqind dhe nga ndermarrjet jofinanciare publike me 10.37 perqind.
- Individet dhe sektori privat ishin gjithashtu burimi me i rëndësishëm i depozitave pa afat në monedhe të huaj, perkatesisht me rreth 45 perqind dhe rreth 43.8 perqind.
- Familjarët ishin dukshëm burimi me i rëndësishëm i depozitave me afat në lekë

Kontribiti i sektoreve ne totalin e depozitave Gusht 2005



(95.7 përqind e totalit) dhe depozitave me afat në monedhe të huaj (me 88 përqind e totalit te depozitave;

- Në përgjithësi, familjarët përbëjnë pjesën më të madhe (rreth 83 përqind) të depozitave totale prej rreth 419 miliardë lekë ne muajin gusht 2005. Ata ndiqen nga sektori privat (13 përqind), ndërrmarjet publike jofinanciare (2.93 përqind) dhe autoritetet lokale (0.71 përqind).

Institucionet financiare kontribuan me rreth 0.54 për qind ne totalin e depozitave.

➤ Gjatë muajit gusht 2005, krahasuar me një muaj më parë, niveli i përgjithshëm i depozitave u rrit me 12.1 miliardë lekë, si rezultat i rritjes së depozitave pa afat në lekë (13.8 miliard lekë), depozitave me afat në monedhë të huaj (8 miliard lekë) dhe rritjes së depozitave pa afat në valute me rreth 5.7 miliardë lekë dhe uljes së konsiderueshme të depozitave me afat në lekë (me rreth 15.5 miliardë lekë).

➤ Depozitat pa afat në lekë të familjeve, pesuan një rritje të konsiderueshme prej rreth 13.8 miliardë lekë, ndërsa depozitat me afat në lekë të familjeve pesuan një rënie të theksuar, prej rreth 15.9 miliardë lekë.